

# Стошнец

ВКП(б)-лэн УАССР-ысь Иж Райкомезлэн но Райисполкомлэн органы.

№ 57 (519)

12 июнь 1939 ар

Дуныз 5 коп.

Ма решить кариз СССР-лэн Верховной Советэвлэн  
Куиньметй Сессиез

## СССР-лэн 1939 АРЛЫ ГОСУДАРСТВЕННОЙ БЮДЖЕТЭЗ

СССР-лэн Верховной Советэвлэн Куиньметй Сессиез СССР-лэсь 1939 арлы государственной бюджетэсэ юнматйз.

Асьме государствоэн бюджетэз СССР-лэн народной хозяйствозэ бадзым будэмезлэн умой показателеныз луэ. СССР-лэн бюджетэз кык сталинкой пятилеткаослэн ар'ёсыз куспын 20 полмэсь но ятырлы будйз. Нырысетй пятилетка куспын странаын люкамын но бюджет пыр народной хозяйствозэ гинэ финансировать карыны сэтэмын вал 53 миллиард манетлэсь трос, нош кыкетй пятилеткаын — 183 миллиард манетлэсь но трос.

Буржуазной экономист'ёс, куд'ёсыз алигес но проповедывать каризы советской манетлэсь крахсэ, туж зол просчитаться кариськызы. Советской коньдонэн асьмеос лэсьтймы но лэсьтом сюэн но сюрсэн лыд'ясыкысь выль фабри'ёс, завод'ёс, электростанциос, МТС'ёс, совхоз'ёс, школаос, больницаос но мукет'ёссэ, поттом машинаос, вуз'ёс, народной потреблениез жутом, оборонаез юнматом. Обесценить кариськызы не советской манет, а буржуазной странаослэн валютаоссы, тужгес ик сычоосыз пöлысь, куд'ёсыз вооружениос понна уйськоньын дугдонэз уг тодо. Советской валюта—дуннеын самой прочнойез.

Верховной Советлэн Сессиез СССР-лэн бюджетэзлэсь доходной локетсэ 156 миллиард 97 миллион 829 сюрс манет суммаен юнматйз—кылем арлэсь 28,5 миллиард манетлы тросгес. Та озы ик асьме социалистической хозяйствомылэн азьлане мынэмезлэн возматйсез луэ.

Государственной бюджетлэн расход'ёсыз 155 миллиард 447 миллион 829 сюрс манет суммаен юнматэмын. Озы тыни бюджетлэн доход'ёсыз расход'ёслэсь 650 миллион манетлы трос луо.

Капиталистической странаослэн бюджетазы основной доход'ёс налог'ёслэсь луо, куд'ёсыз секытэн население выль усе. Асьме бюджетын населенилэсь октэм налог'ёс бадзым люкет уг басьто—бюджетлэн вань суммаез пöлысь 4 процентлэсь гинэ бжыт уно. СССР-лэн бюджетэзлэн доход'ёсызлэн главной источникиз — социалистической предприятиослэсь доход'ёс, куд'ёсыз (предприятиос) арлы быдэ дасо миллиард манет'ёслы продукцияос но вуз'ёс сето. Туэ арын государствоэн кассаз поступить карыны кулэ государственной предприятиослэн прибыль'ёсылэсь отчислениос но оборотлэсь налог'ёс 110 миллиард манет.

СССР-лэн 1939 арын бюджетэз лэсьтэмь . партилен XVIII с'ездэмыз советской калык азын пунктэм задачаезлэн быдэсак соответствиеныз — та матысь 10-15 ар'ёс куспын экономической отношении главной капиталистической странаослэн дөгнать ик порогнать карыны.

Та важнейшой задачаез решить карон понна, кулэ, кызы партилен с'ездаз Сталин эш указывать кариз, «мыныны серьёзной капитальной вложениос асьмелэсь социалистической промышленностемэс вань кужмысь паськытатон понна». 1939 арын выль бюджет'я страналэсь народной хозяйствозэ развить карон понна 59 миллиард манетлэсь но ятыр лэсьске.

Союзной бюджетысь 12 миллиард манетлэсь тросэз сельской хозяйствозэн дайнейшой развитьезлы мыноз, чтобы партилен с'ездэзлэн указаниезлэн соответствиен'я солэсь продуктивностэсэ жутыны но механизациез кужмоятыны но мукет.

Дуннеын одйг странаын но ой вал но өвөл населенилэн культуразэзлэн но благосостояниеэзлэн будонез сырысь правительствозэн сыче сюлмаськонез, кыче ке асьмелэн, СССР-ын. Царской Россиялэн бюджетэз'я просвещенилы арлы быдэ 12 миллион манет сётйське вал. СССР-лэн 1939 арлы бюджетэз'я народной просвещенилы 21 миллиард манетлэсь но трос мыноз, здравоохраненилы—8,8 миллиард манет, социальной обеспеченилы — 2,3 миллиард манет, трос пинал'ем мумыослы государственной пособиосы сёт'яны — 1 миллиард манет.

Ваньмыз нош союзной, республиканской но местной бюджет'ёс'я, но озы ик социальной страхованилэн бюджетэз'я та арын социально-культурной мероприятияослы 38,5 миллиард манет сётйське.

Бадзым под'ёмен но единодушнен пумитазы СССР-лэн Верховной Советэзлэн депутат'ёсыз — советской калыклэн избранник'ёсыз — страна-лэн оборонаезлы 1939 арэ бюджетын расход'ёсты 40 миллиард 885 миллион манетозь бюджетон сырысь Совнаркомлэсь предложениез (кылем арын сырысь 17,7 миллиард манетлы ятыр). Вань советской трос национальностемэс калык одобрять каре асьме могучей Красной Армиез но Военно-Морской Флотэз азыпалан юнматонэз. Мед тодозы фашистской агрессор'ёс, что союзлэн ударзылы, ми дасэсь ответить карыны кычполэс, куиньполэс уда-рен, социализмлэн странаезлэн вооруженной кужым'ёсызлэн вань мощеныз.

Бюджетэз быдэстон финансовой орган'ёслэн гинэ ужэы өвөл. Чурыт финансовой дисциплина, материал'ёсты шыр'ян, себестоимостез синэтон, социалистической собственностылы бережно относиться кариськон, ыштон'ёсын нюр'яськон, мултэс расход'ёсты лэсьтыны лэсьмытэ — безразлично, учреждениын-а, заводын-а, яке колхозын-а, инты басьтоз со — ваньмыз юрттыны кулэ государственной бюджетэз азинлыко быдэстонлы, нош озы бере, страналэсь общенародной хозяйствозэ юнматонлы но, асьме родиналэсь могуществозэ юнматонлы.

## Труддисциплинаез жутог понна

«Колхоз'ёслэсь общественной муз'ем'ёссэс разбазаривать каронлэсь возманлэн мераосыз сырысь» ВКП(б) ЦК-лэсь но СССР-лэн Совнаркомезлэсь постановлениез валэжтэм но обсуждать карем бере Лудорвайской сельсоветысь колхоз'ёсын трудовой дисциплина уможаны кутскизы. Колхозник'ёс ужаны азы-выл сырысь вазьгес пото но ужаны сычоосыз но ветлыны кутскизы, куд'ёсыз 1939 ар понна одйг трудоводень но өз ужалэ на.

Озы, кылсырысь, «Красный Лудорвай» колхозын али ужаны потало 10 муртлэсь тросэз туэ арын

ужамтэос яке бжыт ужам мурт'ёс. «Политотдел» колхозысь Потапова Татьяна, Данилова Мария, Бечегова Матрена колхозницаос но ужаны кутскизы.

Паськыт вöлме ю нянь октон-калтон азелы дасяськон уж'ёс. Колхозник'ёс собраниосын асьсэ выль обязательствозос басьтылызы ю нянь октон-калтон тйрлык'ёсты, машинаосты тупат'янез, склад'ёсты машина дезинфекция лэсьтонэз 20-25 июньлы быдэстыны, юсты но колхозной имуществозэ умой утялтыса возыны но кизем юсты утялтыны но мукет.

Мохов.

## „Виль улон“ колхозын

Шаберды сельсоветысь „Виль улон“ колхозын 5 июне собрание ортчиз. Колхозник'ёс но колхозницаос ВКП(б)-лэн Центральной Комитетэзлэсь но СССР-лэн Совнаркомезлэсь „Колхоз'ёслэсь общественной муз'ем'ёссэс разбазаривать каронлэсь возманлэн мераосыз сырысь“ постановлениез бадзым мылдынын пумитазы. Соос постановлениез активно обсуждать карыса, колхозын тырмытэ интыосты шараязы. Колхозник Кириллов тагы вера:

„Партия но правительство,—вера со,—колхоз'ёсты юнматон понна но колхозник'ёслэсь улонэс зажиточной карон понна бадзым внимание вис'я. Но асьмелэн, „Виль улон“ колхозын честной колхозник'ёс сяна лодыр'ёс, прогульщик'ёс трос на, куд'ёсыз колхоз понна чик уг сюлмасько, а тыршо асьсэ понна гинэ“.

Та верам кыл'ёссэ со таге при-

мер'ёсын юнматэ. 1938 арын ужчидантэм ляб пунктэмын вал. Кылсырысь, 62 мурт ар куспын быдэн 50 трудоводень но бз тырмытэ. Соин сэрэн та арын бусысы ю нянез дыраз октыны-калтыны быгатымтээн 51 сюрс манетлы из'ян луиз. Со факт но сыче колхозник'ёслы азыпаллы уркен өз луы. 1939 арын ини 4 толэзь куспын, куд-огез кабзэ көняке пол гинэ ужаны потазы. Кылсырысь, Т. Музыкантова туэ арлы 0,5 трудоводеньлы гинэ ужаз, А. Себрякова 2,67, Е. Иванова—0,75 но трос мукет'ёсыз но. Нош Баймачева Е. но Сельцова М. чик ужаны өз поталэ на.

Осюно луэ, что колхозлэн правлениез, колхозник'ёслэсь собранияын вераськемзэс пелэз пошыса, партиэн но правительствозлэн постановлениез'я трудовой дисциплинаез юнматыны кулэ ужрад кутоз.

Иванов.

## ВКП(б) ЦК-лэсь но СССР-лэн Совнаркомезлэсь постановлениезэс обсуждать каро

ВКП(б)-лэн ЦК-езлэн но СССР-лэн Совнаркомезлэн «Колхоз'ёслэсь общественной муз'ем'ёссэс разбазаривать каронлэсь возманлэн мераосыз сырысь» постановлениез Юськи сельсоветысь «Свобода» колхозлэн 2-ти бригадаезлэн колхозник'ёсыныз умой-умой обсудить каремын вал. Колхозник'ёс но колхоз-

ницаос пусйзы, что та постановление направить каремын колхозэз юнматонлы но колхозник'ёсты зажиточной каронлы.

Бригадаезлэн собраниез партилэсь но правительствозлэсь постановлениез одобрить кариз но лжеколхозник'ёсын чурят нюр'яськыны пуктыз.

Г. И. Орлов.

## ВКП(б) ЦК-лэн майской пленумезлэсь решениосэ по-большевистски быдэстом

Странаын орточо партийной организацииослэн активзылэн собранияоссы, куд'ёсыз ВКП(б) ЦК-лэн майской пленумезлэсь итөг'ёссэ обсуждать каронлы сйземын.

8 июне московской партийной активезлэн собраниез бырыз.

ВКП(б) ЦК-лэн Пленумезлэсь решениосэ быдэсак одобрить карыса, московской партийной актив странаысь но областысь большевик'ёсты отиз эшшо но настойчивостен, энергием быдэ'яны ВКП(б)-лэн XVIII с'ездэзлэсь но Центральной Комитетэзлэн майской пленумезлэсь решениосэ.

Ленинградской но Киевской партийной организацииослэн активзылэн собраниязы озы ик быдэсак одобрить каризы пленумлэсь

решениосэ, куд'ёсыз шонертэмын колхозной строез юнматонлы, колхозной массаослэсь благосостояниеэс уможотонлы но призвать каризы вань коммунист'ёсты та решениосты улонэ пыртыны понна по-большевистски нюр'яськыны.

Партийной организациос интыосын ВКП(б) ЦК-лэн пленумезлэсь решениосэ валэжтыны кутско ини. Челябинскысь, Магнитогорскысь, Златоустысь парторганизациос Челябинской областысь колхоз'ёсы 208 агитатор'ёсты ысто. Агаповской районсы колхоз'ёсын Магнитогорской парторганизацилэн 48 агитатор'ёсыз ужало ни.

Магнитогорскысь матын сельской район'ёсы эшшо 50 пропагандист'ёс потйзы на.

(ТАСС).

## Туллыс ю кизён быдэстэмын

Туллыс неблагоприятной климатической условиос луыса но туэ арын валэс ю кизён жог но кылем арынлэсь умой ортчтэмын. 5 июнь азе колхоз'ёс но совхоз'ёс 83 миллион но 233 сюрс гектар кизиызы—планлы 100 процент. Кылем арын со число ик кизён план 98 процентлы быдэстэмын вал.

Туллыс ю кизёнэз тужгес ик умой

ортчтызы Ростовской\* областысь, Краснодарской, Орджоникидзевской крайёсысь колхоз'ёс, кытын тысэ культураос кылем арынлэсь 15 нуналлы вазь кизыса быдэстэмын. Кылем арынлэсь жоггес но зечлыкез'я умойгес кизёнэз ортчтызы Украинаысь но Юго-Восточной областьёсысь колхоз'ёс.

(ТАСС).

